

**TULAFONO TAU FAAOFI O LE FAATATAUINA  
O TUPE 2015/2016**

**SAMOA**

Faamatalaga e Faamalamalama ai

**Otootoga**

O lenei Tulafono Tau Faaofi ua tuuina atu ai le Faatatauina o Tupe 2015/2016 mo le Tausaga Faaletupe e faaiuina i le aso 30 o Iuni 2016.


**Fuaiupu 1:** - ua aiaia ai le igoa puupuu ma le aso e amata faamamaluina ai le Tulafono.

**Fuaiupu 2:** - ua aiaia ai mo le faamatuu atu ma le faatatauina o le **\$478,223,687** mai le Faaputugatupe a le Matagaluega o Tupe.

**Fuaiupu 3:** - ua aiaia ai mo le faamatuu atu ma le faatatauina o le **\$479,798** mai le Teugatupe a le Tausi Mavaega.

**Fuaiupu 4:** - ua aiaia ai mo le faamatuu atu ma le faatatauina o le **\$14,346,711** i Tupe Faaalu e Le i Fuafuaina.

**Faamatalaga:** - ua aiaia ai aofaiga ua faatagaina e totogi atu i lalo o le fuaiupu 2(1) e pei ona faatatauina mo galuega faatino ma galuega faatino laiti e tuuina atu e Matagaluega, galuega faatino e tuuina atu e isi vaega po o galuega e avea ai ma sui o le Malo.



.....  
(Hon TUILAEPA Fatialofa Lupesoliai Aiono Neioti Sailele  
Malielegaoi)

**PALEMIA MA LE MINISITA O TUPE**

**TULAFONO TAU FAAOFI O LE FAATATAUINA  
O TUPE 2015/2016**

**SAMOA**

Faatulagaina o Aiaiga

- |                                |                       |
|--------------------------------|-----------------------|
| 1. Igoa puupuu ma le amataga   | 4. Faamatuu atu ma le |
| 2. Faamatuu atu ma le          | Faatatauina o le      |
| Faatatauina o le \$478,223,687 | \$14,346,711 mai le   |
| mai le Faaputugatupe a le      | Faaputugatupe a le    |
| Matagaluega o Tupe             | Matagaluega o Tupe    |
| 3. Faamatuu atu ma le          |                       |
| Faatatauina o le \$479,798 mai | Faamatalaga           |
| le Teugatupe a le Tausi        |                       |
| Mavaega                        |                       |

---

**2015, Nu.**

**O SE TULAFONO TAU FAAOFI UA TAUA**

**O SE TULAFONO e faatagaina ai le faatatauina o nisi o aofaiga o tupe mai le Faaputugatupe a le Matagaluega o Tupe ma le Teugatupe a le Tausi Mavaega ma lona faaaogāina faapitoa i galuega faatino ma galuega faatino laiti e tuuina atu e Matagaluega, galuega faatino e tuuina atu e isi vaega ma galuega ua faia e avea ai ma sui o le Malo mo le Tausaga Faaletupe faaiuina i le aso 30 Iuni 2016.**

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua leni Tulafono o le Tulafono o le Faatatauina o Tupe 2015/2016.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

**2. Faamatuu atu ma le Faatatauina o le \$478,223,687 mai le Faaputugatupe a le Matagaluega o Tupe-**(1) E mafai ona tuuina atu mai le Faaputugatupe a le Matagaluega o Tupe ma faaaogāina i galuega faatino po o galuega faatino laiti e tuuina atu e Matagaluega taitasi po o galuega faatino e tuuina atu e isi vaega, po o mo galuega e avea ai ma sui o le Malo mo le Tausaga Faaletupe 2015/2016 ni aofaiga o tupe e lē sili atu i le aofaiga e **\$478,223,687**.

(2) O aofaiga o tupe ua faatagaina e faaaogā i lalo o le faafuaiupu (1) ua faatatauina eseese mo galuega faatino ma galuega faatino laiti e tuuina atu e Matagaluega, galuega faatino e tuuina atu e isi vaega po o galuega e avea ai ma sui o le Malo, e pei ona faamaoti mai i totonu o le Faamatalaga.

**3. Faamatuu atu ma le Faatatauina o le \$479,798 mai le Teugatupe a le Tausi Mavaega-**(1) E mafai ona tuuina atu mai le Teugatupe a le Tausi Mavaega (teuina i le Faletupe ANZ Samoa Ltd) ma faaaogā i galuega faatino ma galuega faatino laiti, totogi o tagata faigaluega ma isi tupe totogi atu, tau faaee atu ma tupe alu faatupulaia faaletulafono po o e totogiina atu mo le faafoeina o le Ofisa Tausi Mavaega mo le Tausaga Faaletupe 2015/2016 ni aofaiga o tupe e lē sili atu i le aofaiga e **\$479,798**.

(2) O aofaiga o tupe ua faatagaina e faaaogā i lalo o le faafuaiupu (1) ua faatatauina mo le faaaogāina e le Ofisa Tausi Mavaega.

**4. Faamatuu atu ma le Faatatauina o le \$14,346,711 mai le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogā i Tupe Faaalu e Le i Fuafuaina mo le Tausaga Faaletupe 2015/2016 ni aofaiga o tupe e lē sili atu i le aofaiga e \$14,346,711.**

(2) O aofaiga o tupe ua faatagaina e faaaogā i lalo o le faafuaiupu (1) ua faatatauina mo Tupe Faaalu e Le i Fuafuaina.